

摘藻堂四庫全書薈要

子部

欽定四庫全書薈要卷一萬一千四百五十五

子部

御定淵鑑類函卷七

天部七

雨

雨一

增釋名曰雨羽也如鳥羽動則散 原又曰雨水從雲

下也雨輔也言輔時生養也 增說文曰零餘雨也霽

音斯小雨財零也霽銀歲切霖雨也南陽謂霖雨曰霖霰音酸

小雨也霰子廉反微雨也霽音資雨聲也溟小雨也澍時雨

也姊入雨下也 易曰雲行雨施品物流形 又曰

匪寇婚媾往遇雨則吉 又曰密雲不雨自我西郊

又曰雨以潤之 尚書曰納於大麓烈風雷雨弗迷

又曰若歲大旱用汝作霖雨 原又洪範曰休徵曰肅

時雨若

注云休美也肅敬也若順也君行敬則時雨從之

增毛詩曰習習谷

風以陰以雨 原又曰有渰萋萋興雨祁祁雨我公田

遂及我私 又曰朝濟于西崇朝其雨 增又曰靈雨

既零 又曰以祈甘雨以介我稷黍以穀我士女 禮

記曰土潤溽暑大雨時行 又月令曰仲春之月始雨水孟春行夏令則雨水不時行秋令則暴雨忽至行冬令則水潦為敗季春行夏令則時雨不降行秋令則淫雨早降 又曰時雨將降下水上騰 又曰立夏命有司祀雨師 又曰孟夏行秋令則苦雨數來 又曰六月中氣後五日大雨時行 又曰仲秋行春令則秋雨不降 又曰仲冬行秋令則天時雨汁瓜瓠不成 又曰疾風迅雷甚雨則必變 原左傳曰如百穀仰膏雨

焉 增公羊傳曰觸石而出膚寸而合不崇朝而遍雨
乎天下者唯太山爾 穀梁傳曰春正月不雨者勤雨
也夏四月不雨者閔雨也六月雨者喜雨也 爾雅曰
甘雨時降萬民以嘉謂之醴泉 原又曰小雨曰霖霖
雨三日已上曰霖久雨曰霖暴雨曰凍雨時雨曰澍雨
雨與雪雜下曰霰 增易稽覽圖曰降陰為雨降陰之
雨潤而不破塊 原京房易候曰太平之時十日一雨
凡歲三十六雨此休徵時若之應 尚書大傳曰天久

無烈風淫雨意中國有聖人乎

淫雨謂之霖

增禮統曰雨

者輔時生養均遍故謂之雨

大戴禮曰天地之氣和

即雨

禮斗威儀曰君乘金而王其政象平則喜雨時

至原春秋說題辭曰一歲三十六雨天地之氣宣十

日小雨應天文十五日大雨以斗運也增又曰陽制

陰故水為雨又曰陰陽之氣上薄為雨春秋漢含

孳曰穴藏先知雨陰曠未集魚已噉

音奄魚口噉音容

樂

動聲儀曰焦明

鳥

水至為雨備

廣雅曰雨師謂之屏翳

埤雅曰鳩陰則屏逐其婦晴則呼之語曰天將雨鳩

逐婦 漢書曰秋雨連月渠竇生魚 晉書曰梁州十

旬雨魚麥為蛾飛 原廣成子謂黃帝曰雲不待族而

雨 老子曰驟雨不終日 莊子曰時雨降矣而猶浸

灌不亦勞乎 增又曰雨者為雲乎 文子曰若與俗

處猶之逃雨也無向而不濡 原管子曰春秋察五政

一曰論幼孤赦有罪二曰賦爵列授祿位三曰修溝洫

復亡人四曰治封疆正阡陌五曰無殺麇麋無絕華萼

五政順時春雨乃來 增又曰冬作土功發地藏則夏

多暴雨秋霖不止 抱朴子曰軍始發大風甚雨起于

後大勝之徵也軍始出雨沾衣者是謂潤兵軍有功

淮南子曰失火遇雨禍中有福 又曰人莫鑑于流雨

而鑑于止水者以其靜也 又曰朱鼈浮于波上必大

雨 晏子曰四海之雲湊千里之雨至 董子曰太平

之時雨不破塊浸莖潤葉而已 揚子法言曰震風凌

雨然後知夏屋之帡幪 范子計然曰風為天氣雨為

地氣風順時而行雨應風而下命曰天氣下地氣上陰陽交通萬物成矣 原論衡曰道至天者祥風起甘雨

降雨霽而陰暄者謂之甘雨 增又曰夫風氣雨露本

當和適儒者論太平瑞應言其風祥露甘風不鳴條雨

不破塊可也言其五日一風十日一雨褒之甚也風雨

雖適不能五日十日正如其數 原纂要曰疾雨曰驟

雨徐雨曰零雨久雨曰苦雨亦曰愁霖

晉潘尼宋伍緝之並作苦雨賦

後漢應瑒魏文帝晉傅玄陸雲胡濟袁豹並作愁霖賦

雨晴曰霽雨而晝晴曰啓

雨水曰潦雨雲曰渰

渰音掩
雲陰貌

亦曰油雲

油然作雲

梅熟而雨

曰梅雨

江東呼為
黃梅雨

增師曠占曰候月知雨多少入月

一日二日三日月色赤黃者其月少雨月色青者其月
多雨常以五卯日候西北有雲如羣羊者即有雨至矣
冬戌己春辰己日雨蝗蟲食禾稼立春日雨傷五木立
秋日雨害五穀常以戊己日日入時出時欲雨日上有
冠雲大者即雨小者少雨 原黃子發相雨書曰當戊
申日候日欲入時上有冠雲不問大小視四方黑者大

雨青者小雨 增天文要集曰北斗之旁有氣往往而

黑狀如禽獸大如皮席不出三日必雨 又曰河有雲

黑狀似船若一疋布維河不出十日大雨 又曰辰口

守心有水災一曰大雨不可當 又曰斗者不欲雲覆

之黑雲覆之大雨 相雨書曰四方斗中俱無雲惟河

有三雲相連如浴狶三日必雨 又曰以丙丁辰之日

四方無雲惟漢中有者六十日風雨和常以六甲之日

平旦清明東向望日始出時日上有雲大小貫日中青

者以甲乙雨赤者丙丁雨白者庚辛雨黑者壬癸雨黃
者戊己日雨六甲日四方雲皆合者即雨以天方雨時
視雲有五色黑赤并見者即電黃白雜者風多雨少青
黑雜者雨隨之必滂沛流潦 又曰四方有濯魚雲遊
疾者即日雨遊遲者雨少難至 原山海經曰為應龍
之狀乃得大雨 又曰羽山其上多雨而符陽之山多
怪雨雲風之所出也 河圖帝通紀曰雨者天地之施
也 風俗通曰元冥雨師也 增朝野僉載曰夜半天

漢中黑氣相逐俗謂黑猪渡河雨候也 荆楚歲時記

曰湘東郡新平縣有龍穴天旱人共過水漬此穴輒雨

又曰春曰榆莢雨夏至前曰梅雨六月曰濯枝雨八

月曰豆花雨 三水小牘曰安定郡有峴陽峰峴上有

池若雨則雲起池中若張蓋然故里諺曰峴山張蓋雨

滂沱 羅浮山記曰山有龜淵淵有神龜人穢淵即澍

雨 武昌記曰城西有石鼓山上有三石鼓鼓鳴必雨

又曰夷陵有陰陽石陰石常潤陽石常燥旱則鞭陰

石必雨雨久鞭陽石則止 又曰夏至有梅雨沾衣皆

黝 又曰六月有三時雨田家為甘澤 梁益記曰大

小漏天在雅州西北山谷高沈深晦多雨黎縣多風俗

謂黎風雅雨 華陽國志曰犍牯郡上當天井故多雨

潦 遁甲開山圖曰鄭有不毛山上有無為之君分布

雲雨於九州之內 續博物志曰關東西風則晴東風

則雨關西西風則雨東風則晴 原楚辭曰雷填填兮

雨冥冥令飄風兮先驅使凍雨兮灑塵 又曰皇天淫

溢而秋霖兮后土何時而得乾 增蔡邕霖賦曰瞻玄

雲之曖曖懸長雨之森森 木玄虛海賦曰崩雲屑雨

浚浚洞洞 左太冲蜀都賦曰潛龍蟠於沮澤應鳴鼓

而興雨 張士然曰春雨潤木自葉流根 張協曰雲

根臨八極雨足洗四溟 江淹曰愁霖貫秋序 陸衡

演連珠曰迅風陵雨不謬晨禽之察 王勃詩曰珠簾

暮捲西山雨 杜子美詩曰深夜沈沈動春酌燈前細

雨簷花落 劉威詩曰蓬萊一水通雲氣閭闔千門度

雨聲 韓愈詩曰天街小雨潤如酥

雨二

原尸子曰神農氏治天下欲雨則雨五日為行雨旬為穀雨旬五日為時雨正四時之制萬物咸利故謂之神增淮南子曰神農之治天下甘雨時降五穀繁植

列子曰赤松子神農氏雨師也 帝王世紀曰黃帝遊

洛水上見大魚殺五牲醮天乃甚雨七日七夜魚流始得圖書今河圖是也 原六韜曰武王伐殷將行之日

雨輜重車至軫太公曰此洗濯甲兵也 增呂氏春秋

曰武王伐紂至鮪水使膠鬲候周師問武王曰西伯何時至曰將以甲子日至膠鬲行矣大雨日夜不休武王疾行不輟軍吏諫武王曰吾疾行以救膠鬲之死也

搜神記曰武王伐紂至河上雨甚疾雷晦暝揚波于河衆甚懼武王曰余在天下誰敢干志者風波立霽 原鹽鐵論曰周公太平之時風不鳴條雨不破塊旬而一雨雨必以夜 左傳曰衛大旱卜有事於山川不吉甯

莊子曰昔周飢尅殷而年豐今邢無道諸侯無伯天其
或者欲使衛討邢乎從之師興而雨 家語曰齊有一
足之鳥飛公朝下於殿前舒翅而跳齊侯遣使訪孔子
孔子曰此鳥名商羊昔兒童有屈一脚振迅兩臂而跳
且謠曰天將大雨商羊鼓舞今齊有之其應將至有水
為災 增論衡曰孔子出使子路齋雨具有頃天果大
雨子路問其故孔子曰昨暮月離于畢後日月復離于
畢孔子出子路請齋雨具孔子不聽果無雨子路問其

故孔子曰昔日月離其陰故雨昨暮月離其陽故不雨
家語曰孔子將行雨而無蓋門人曰商也有之孔子
曰商之為人也甚恇于財吾聞與人交推其長者違其
短者故能久也 原莊子曰宋景公時大旱三年卜之
以人祀乃雨公下堂頓首曰吾所以求雨者為人今殺
人不可將自當之言未卒天大雨方千里何德于天而
惠于民也 增韓子曰荆人伐陳吳救之軍間三十里
雨十日夜左史倚相謂子期曰雨十日甲輯雨裂吳人

必至宜備之乃為陣未成而吳人至見荆有戒而反

傅子曰昔者伯牙子遊于泰山之陰逢暴雨止于巖下
抱琴而鼓之為淋雨之音更造崩山之曲每奏鍾期輒
窮其趣曰善哉子之聽也 原戰國策曰魏文侯與虞

人期獵是日飲酒樂天雨文侯曰雖樂豈可不一會期

哉乃往

詳獵

增又曰齊韓魏共攻燕楚王使景陽將而

救之暮舍使左右司馬各營辟地已植表景陽怒曰女
所營者水至皆滅表焉可以舍乃令徙明日大雨山水

大出所營者水皆滅表軍吏乃服 幽明錄曰有客詣

董仲舒談論微奧仲舒疑之客又云天欲雨仲舒因戲
之曰巢居知風穴居知雨卿非狐狸即是老鼠客化為
老狸而去 原東觀漢記曰沛獻王輔善京氏易永平
五年少雨上御雲臺自為卦以周易林卜之其繇曰蟻
封穴戶大雨將至以問輔輔對曰蹇艮下坎上艮為山
坎為水山出雲為雨蟻穴居知雨將至故以蟻為興居
增又曰王郎起光武自薊東南馳及至南宮遇大風

雨而引車入道傍舍馮異抱薪鄧禹熬火光武對竈燎衣又曰順帝陽嘉元年立順烈皇后是時自冬至春不雨尊后之日嘉澍沾渥後漢書曰高鳳好學不休其家曝麥令鳳守雞以竿授其手中鳳執竿讀書雨大至不覺執竿如故其妻還見麥流甚以為怒鳳亦不愧又曰任文公為治中從事時大旱白刺史曰五月一日當有大水其變已至不可防救宜令吏人豫為其備刺史不聽文公獨儲大船百姓或聞頗有為防者到其

日旱烈文公急命促載使白刺史刺史笑之日將中天
北雲起須臾大雨至鋪時湔水湧起十餘丈突壞廬舍
所害數千人 又曰百里嵩字景山為徐州刺史境遭
旱嵩出巡處甘雨輒澍東海祝其合鄉等三縣父老訴
曰人等是公百姓獨不邀降乃迴赴之雨隨車而下
又曰鄭弘為騶令勤行德化魯國當春大旱五穀不豐
騶獨致雨偏熟遷淮陰太守消息徭賦政不煩苛行春
大旱隨車致雨 又曰茅容耕于野時與等輩避雨樹

下衆皆夷踞相對容獨危坐逾恭郭林宗行見而奇之
原管輅別傳曰輅遇清河太守時天旱輅曰今夕當
雨樹中已有少女微風樹間又有陰鳥和鳴又少男風
起衆鳥亂翔其應至矣須臾風雲興元氣四合大雨注
傾益部耆舊傳曰趙瑤為閬中令遭旱請雨於靈星
應時大雨楚國先賢傳曰樊英隱于壺山嘗有暴風
從西南起英謂學者曰成都市火甚盛因含水西向噉
之乃令記其時日後有從蜀郡來者云是日大火有雲

從東起須臾大雨火遂滅 增邵氏家傳曰邵信臣為

少府南陽遭火藝數萬人信臣時在丞相匡衡坐心動

含酒東向嗽之遭火處見雲西北來冥晦大雨以滅火

雨酒香 魏志曰曹真伐蜀從子午道南入諸軍或從

斜谷道入會大霖雨四十餘日棧道斷絕詔真還 吳

志曰劉基字敬輿繇子也姿容美好孫權愛敬之權大

暑時嘗於船中宴飲於樓船上值雷雨權以蓋自覆又

命覆基餘人不得也其見待如此 晉書云詔以王雅

為太子太傅將拜遇雨請以繖入王珣不許因冒雨拜
齊書曰苟金龍為梓潼太守帶關城戍主梁人攻圍
會金龍病妻劉率勵扼戰百有餘日井在城外尋為賊
陷城中絕水劉集衆告天俄而澍雨劉命出公私布絹
及至衣服懸之城中絞而取水所有雜器悉諸之於是
人心益固梁人退宣武嘉之官其子 陳書曰梁大同
中嘗驟雨殿前往往有雜色寶珠梁武帝觀之甚有喜
色虞寄因上瑞雨頌帝謂寄兄荔曰此頌典裁清拔卿

家之士龍也

南史曰王惠常臨曲水風雨暴至坐者

皆馳散惠徐起不異常日不以霑霈而改

魏書曰裴

粲曾詣清河王懌下車始進便屬暴雨粲容步舒雅不以沾濡改節懌乃令人持蓋覆之歎謂左右曰何代無奇人窮神祕苑曰元魏時盧汾嘗叩樹有一女子衣青出引汾入見廳堂題曰審雨堂乃古槐中蟻穴金陵志曰陳後主泛舟樂遊於河忽遇雨浮漚生宮人指浮漚曰滿河珍珠因名其河為珍珠河真誥曰張元

賓得仙入華陽洞為理禁伯其職主水蓋雨官也 元

怪錄曰李靖微時嘗射獵靈山中會暮投宿一巨宅有
老婦延之中夜叩門甚急婦人曰此非人世乃龍宮也
今天符命行雨二子俱出欲奉煩頃刻何如遂命鞞青
驄取雨器戒曰馬躍嘶鳴取水一滴滴馬駿上謹勿多
也既而見所憇邨連下二十滴既歸老婦泣曰此一滴
乃地上一尺雨也此邨夜半平地水深二丈豈復有人
妄已受譴矣 大唐新語曰貞觀末房玄齡避位居第

時天旱太宗將幸芙蓉園以觀風俗玄齡聞之戒其子曰鑾輿必當見幸亟使掃洒兼備饌具有頃太宗果先幸其第便載入宮其夕大雨咸以為優賢之應 舊唐書會要曰谷那律常從太宗出獵途中遇雨上問雨衣若為不得漏那律曰能以瓦為之必不漏矣意欲太宗不為畋獵太宗悅賜帛二百段 唐書曰裴行儉高宗時為定襄道大總管討突厥大軍次單于北暮已立營塹壕既周行儉更命徙營高岡吏白士安堵不可擾不

聽促徙之比夜風雨暴至前占營所水深丈餘衆莫不
駭歎問何以知之行儉曰自今第如我節制毋問我所
以知也 舊五行志曰景龍中洛下霖雨百餘日宰相
不能調陰陽乃閉坊市北門卒無効霑溢益甚人歌云
禮賢不解開東閣變理惟能閉北門時駕車者苦甚汚
街中言曰宰相不能調陰陽致茲恒雨令我汚行會中
書令楊再思過謂之曰於理則然亦卿牛劣耳 異聞
錄曰儀鳳中劉毅於涇陽見婦人牧羊道畔怪而問之

曰洞庭龍君小女也問牧羊何用曰非羊也雨工也雷霆之類也毅後配此女開元中猶在 開元遺事曰蘇頲有一錦紋花石鏤為筆架置於硯席間每天欲雨即津出如汗逡巡而雨頲以此為雨候 舊唐書曰顏真卿開元中為監察御史使河隴時五原有冤獄久不決真卿至立辨之天方旱獄決乃雨郡人呼為御史雨 唐年小錄曰泗州門監王忠政云開成中死十二日復活始見一人碧衣赤幘引臂登雲曰天召汝行雨隸於

左落隊其左右落隊各有五方甲馬簇於雲頭俯向下
重樓深室囊橐之內纖細悉見更異者見米粒長數尺
凡兩隊而一隊於小項瓶子貯人間水一隊所貯如馬
牙硝末謂之乾雨雨皆在前風車為殿 北夢瑣言曰
孔極侍郎為補遺時嘗朝回值雨而無雨備乃於人家
簷廡下避之過食時雨益甚其家乃延入廳事有一隻
出迎甚恭酒饌亦甚豐潔極為謝之且假雨具叟曰某
閒居不預人事寒暑風雨未嘗冒也置此欲安施乎令

於他處假借以奉之極退而歎嗟若忘宦情語人曰斯
大隱者也 南唐書曰南唐時關司斂率尤繁商人苦
之屬近甸亢旱一日宴於北苑烈祖謂侍臣曰畿甸雨
都城不雨何也得非獄市之間違天意歟申漸高乘談
諧進曰雨懼抽稅不敢入京烈祖大笑即下令除一切
額外稅信宿之間膏澤告足 明興雜記曰洪武二十
五年下度僧令吳僧永隆請焚身以救冒請者罪上勅
中書以武士衛其龕至雨花臺出龕望闕拜辭取香辦

書風調雨順四字語侍中曰煩語陛下以此香祈雨必驗乃乘炬自焚骸骨不倒異香逼人羣鶴舞於龕頂乃宥三千人誅時大旱上命以所遺香至天禧寺禱雨夜雨大降上嘉曰此真永隆雨也因御製落魄僧詩以美之永隆乃蘇州尹山寺僧也 又曰明嘉靖壬戌三月二十三日山東德州地方雨魚三日時有詩云魚乃躍于淵何如降自天

雨三

原離畢

化坎

毛詩云月離於畢俾滂沱矣周易集林雜占曰占天雨否外卦得陰為雨得

陽不雨其又發變得坎為雨得離不雨巽化為坎先風後雨坎化為巽先雨後風

鶴鳴魚

噦毛詩曰零雨其濛鶴鳴于垤鄭玄注曰將陰則穴處者先知之鶴好雨將雨長鳴而喜也下詳雨一

土龍

石驚

淮南子曰土龍致雨許慎注曰湯遭旱作土龍以象雲從龍也湘州記曰零

陵有石驚遇雨則飛止還為石

濯枝

潤葉

俱詳一

荆臺

灌壇

宋玉

高唐賦曰楚襄王與宋玉遊於雲夢之臺望高唐之觀上獨有雲氣王問此何氣也玉對曰所謂朝雲也昔者

先王嘗遊於高唐願薦枕席王因幸之去辭曰妾在巫山之陽高丘之岨朝為行雲暮為行雨朝朝暮暮陽臺

之下杜預注左傳曰荆亦楚也博物志曰太公為灌壇令文王夢見婦人哭當道問其故曰吾太山神女嫁

為西海婦吾行必以暴雨灌壇令當吾道不敢以疾風暴雨過也夢覺召太公語焉三日果疾風暴雨過

含水

巽酒

上詳雨二人也徵入為尚書正朝大會藥巴得酒不

葛洪神仙傳曰藥巴者蜀郡

飲面西南巽之有司奏巴大不敬詔問巴巴謝曰臣本縣都市失火臣故巽酒為雨滅火非敢不敬

蟻

封

龍穴

上詳雨二下詳雨一

積薪

環艾

謝承後漢書曰戴封字平仲遷西華

令其年大旱禱請不獲乃積薪坐其上以自焚火起而大雨遠邇歎服遷中山令范曄後漢書曰諒輔仕郡為五官掾請雨聚艾茅以自環構伐紂討邢俱詳火將自焚須臾大雨如澍詳祈雨

禱林

暴野

淮南子曰湯時九年旱以禱於桑林而四海之雲湊千里之雨至晏子曰齊

景公時旱欲祀靈山晏子曰山固以石為身草木為髮天苟不雨髮焦身熱久旱獨不欲雨乎君避殿暴露其

當雨公出野暴
露天果大雨

十夜

九旬

上詳雨二下
見傳玄患雨賦

石牛

桐魚

顧微廣州記曰鬱林郡山東南有池池有石牛
歲旱百姓殺牛祈雨以牛血和泥泥石牛背祀

畢天雨洪注洗牛背泥盡即晴
南子曰董仲舒請雨秋用桐木魚

商羊舞

黑蟬

躍

上詳雨一
蛇潛淵而居將雨則躍蟬音麗

洗兵潤兵

流粟

流麥

洗兵詳雨二抱朴子曰出兵甚雨大勝之象軍行
雨沾衣是潤兵也其軍有喜鄒子曰朱買臣攷

攷修學不覺雨之
流粟流麥詳雨二

增藥水

醴泉

荆楚歲時記云十
月天時和暖似春

故曰小春此月內一雨謂之液雨百蟲
飲此而藏蟄俗呼為藥水下詳雨一

三時

六月

上詳雨一穀梁傳魯僖公
三年六月雨雨云者喜雨也

榆莢

豆花

俱詳
雨一

散

絲垂布

古詩騰雲似洒煙密雨如散絲錢昭度詩酒樓人散雨千絲僧可增驟雨詩云掣電引

狂雷畫天忽成暮萬里瀉銀河四簷垂瀑布

持蓋

墊巾

上詳雨二後漢書云郭林宗

於陳梁間遇雨中墊一角時人乃效折角巾其見慕如此

馳馬

牧羊

神異記云西海上有

人乘白馬朱鬣白衣玄冠從十二童子馳馬如飛名曰河伯使者所至之國雨水滂沱下詳雨二

雨

珠

鳴鼓

上詳雨二下詳雨一

打葉

濯枝

詩話王禹錫賀知縣春雨詩云打葉

雨拳隨手重吹涼風口逐人來下詳雨一

生穀

仰膏

詩既沾既足生我百穀下詳

雨一 閉南門

禱西宮

史記云董仲舒為江都王相以春秋災異之變推陰陽所以錯

行故求雨閉諸陽縱諸陰其止雨反是按閉陽縱陰謂如閉南門毋舉火開北門水洒人之類也宋仁宗慶

歷間京師久旱羣臣請帝親禱於郊帝曰太史言月二日當雨今將以旦日出禱王素曰臣非太史然度是日必不雨帝問其故素曰陛下知旦日雨而禱之不誠不誠不可動天帝竦然詔明日特詣西太乙宮禱雨命素扈從此日日甚熾埃氛翳空車駕還未薄城天大雷電而雨

玉女披衣 雷君出

裴

王采安城記云萍鄉西城津有玉女岡天當雨輒先湧五色雲氣于石間俗謂之玉女披衣段成式詩不

願石郎戴笠難甘玉女披衣言雨多也易林變占云雷君出裝隱隱西行霖雨不止流為江河 峴

山張蓋 紋石出津

上詳雨一下詳雨二

祠女郎魂 減大官

膳

昌黎詩乞雨女郎魂魚羞潔且繁廟開鼯鼠叫神降越巫言早氣期銷蕩陰官想駿奔行看五馬入蕭颯

已隨軒 東坡詩湯帝谷嗟微六事漢庭災異劾三公聖朝罪已恩寬大時雨愆期早蘊隆東海得無冤死婦

南陽疑有臥雲龍傳聞已減
大官膳肉食諸公盍奏功

器上龍狀 潭中虎頭

雜俎云唐開元中天旱明皇令僧一行祈雨一行言當
得一器上有龍狀方可致雨上令于內庫徧觀之皆言
不類數日後指一古鏡鼻盤龍喜曰此有真龍矣乃持
入道場一夕而雨 東坡集徐州城東有石潭與泗水
通天旱置虎頭于
潭中可致雲雨

雨四

原制陽

春秋潛潭巴云陽

作解

易云雷雨作解

若濡

傳曰道下遇雨

若如晦

風雨如晦

霑服

諸侯朝天子雨霑服失容則止

沈竈

潘岳賦云白竈為之沈溺

器用為之浮漂

決溝

應璩詩云溝瀆皆決溢

止巖

詳雨一

倒井

晉傅玄詩潤

礎苦雨詩云水鶴巢礎曾覺山雲潤柱礎社公俗說社公不食舊水神女

詳雨膏黍苗芄芃黍苗陰雨膏之害粢盛天作淫雨害于粢盛益霖霖

益之以霖霖既優既渥既霑既足生我百穀流縱橫曹植贈白馬王彪詩云陳雨泥我塗流潦浩縱

橫用作霖詳雨走逃雨文子曰若與俗處猶走而逃雨無走不濡濕也近

壬子管輅曰今夕當雨傳曰近壬子日禁丙丁俗說久雨不晴

禁丙丁乃得晴山川出雲禮記云清明在躬氣志如神嗜慾將至有開必先天降時雨山川出

雲石穴應雲南徐州記云剡縣有石穴高丈餘容數人天將雨雲輒羣行從南來映山山亦出雲

應之即聲如吹角武昌記曰武昌有龍山如欲陰雨其上有聲如吹角氣如覆

大雨

船京房易飛候曰黑氣如覆船於日下立雨

龍蟠興雨

蜀都賦云潛龍蟠於沮澤應鳴鼓而

興雨

丹山霧如煙

宜都記云郡西北有丹山霧起如煙再朝必雨

廬山氣如馬

廬山記云天將雨山氣如車馬

昆陽禱石泉

荊州圖記云昆陽界有栢枝山石泉名雨穴請

禱必

臨賀祭石人

荊州記云臨賀界有卧石似人而色青黃隱起此鄉若旱祭之即雨

增崇朝

詩云崇朝其雨

貫秋

古詩愁霖貫秋序

豐注

大雨也

潢潦

雨水流于

地者

修雷

高簷之滴水也

豐澤

時雨也昊天降豐澤

甘雷

甘雨也凡水下流曰雷

陰祗

雲雨師也陰祗濛霧于其裏

隙漏

屋漏水也

紛射

謂潦波湧而橫流也

麗

雨

春時花雨也

麥雨

麥雨交新溜以上俱六朝

白雨

白雨映寒山

翻盆

雨勢

伏雨

闌珊之風沈伏之雨言其風雨之不已也以上俱唐詩

元液

韻府云雨

也至誠而元液被

迎龍

李約詩云桑條無葉土生煙簫鼓迎龍水廟前

焦卷

杜詩皇天

降德澤焦卷有生意

如膏

春雨如膏

添柳

韓詩雨多添柳耳

神漿

雨者神漿

可挹

露滴

盧師道云其雨濛濛似露委草則滴瀝

月額

金樓子云旦日雨為月額雨如

織垂

天漏

古詩地近漏天終日雨

喜雨亭

蘇東坡亭以雨名志喜也

粟

化為蠱

述異記云荊州久雨粟化為蠱

麥化為蛾

述異記云晉永嘉中梁州雨十旬麥化為

蛾飛

劉城奏鼓

述異記云廬山有康王谷北嶺有一城號為劉城天每欲雨輒聞有秦簫笳角

之聲邨人以為候

棧道淋鈴

明皇雜錄云上初入斜谷屬霖雨彌旬於棧道中聞鈴聲與山相應

上悼念貴妃因采其聲
為雨淋鈴曲以寄恨

雨五

原詩魏曹植喜雨詩曰天覆何彌廣苞育此羣生棄之
必憔悴憊之則滋榮慶雲從北來鬱述西南征時雨中
夜降長雷周我庭嘉種獲膏壤登秋必有成 魏阮瑀
苦雨詩曰苦雨滋元冬引日彌且長丹墀自殲殪深樹
猶霑裳客行易感悴我心摧以傷登臺望江沔陽侯沛
洋洋 晉張載霖雨詩曰霖雨餘旬朔濛昧日夜墜何

以解愁懷置酒招親類悲歌結流風逸響迴秋氣 晉

張協苦雨詩曰黑蜨躍重淵商羊舞野庭飛廉映南箕

豐隆迎號屏雲根臨八極雨足洒四溟淋瀝過二旬散

漫亞九齡階下伏泉湧堂上水苔生尺燼重尋桂紅粒

貴瑤瓊 晉傅玄詩曰徂暑未一旬重陰翳朝霞厥初

月離畢積日遂滂沱屯雲結不解長溜周四阿霖雨如

倒井黃潦起洪波湍深激牆隅門庭若決河炊爨不復

舉竈中生蛙蝦 宋謝莊喜雨詩曰燕起知風舞礎潤

識雲流冽泉承夜湛零雨望晨浮合穎行盛茂分穗方
盈疇 宋謝惠連喜雨詩曰朱明振炎氣溽暑扇溫飈
美彼明月輝離畢經中宵思此西郊雲旣雨盈崇朝上
天愍憔悴商羊自吟謠 宋鮑照喜雨詩曰營社達羣
陰屯宮掩積陽族雲飛泉室震風沈羽鄉升霧浹地維
傾潤瀉天潢彌木抽翠條炎卉耀朱芳關市欣九賦京
廩開萬箱 齊謝朓觀雨詩曰朔風吹飛雨蕭條江上
來旣洒百常觀復集九成臺空濛如薄霧散漫似輕埃

梁簡文帝賦得入階雨詩曰細雨階前入洒砌復沾

帷漬花枝覺重溼鳥翻還遲儻令斜日照併欲似遊絲

梁孝元帝詠細雨詩曰風輕不動葉雨細未霑衣入

樓如霧上拂馬似塵飛 梁沈約見庭雨應詔詩曰出

空寧可圖入庭倍難賦非煙復非雲如絲復如霧霏霏

裁欲垂霏微不能注雖無千金質聊為一辰趣 梁劉

苞望夕雨詩曰崇朝邁行雨薄晚屯密雲緣堦起素沫

竟水散圓文河柳低未舉山桃落已芬清樽久不薦淹

留遂待君 梁虞騫擬雨詩曰清風送涼氣薄暮蕩炎

氛虹照漣漪水電出嵯峨雲落暉散長足細雨織斜文

梁劉孝綽秋雨卧疾詩曰賈君徭役少潘生民務稀

及此同多暇高卧掩重闌寂寂榆桑晚滂沱曠不晞電

隙時光帳風簾乍扣扉 梁劉孝威和皇太子春林晚

雨詩曰雲樹交為密雨日共成虹雷舒長男氣枝搖少

女風葉珠垂滴水檐繩下溜空蝶濡飛不颺花沾色更

紅明離信養德能事畢春宮誰堪偶鳳吹唯有浮丘公

又望雨詩曰清陰蕩暄濁飛雨入堦廊瞻空亂無緒

望雷耿成行文枝含晚潤雜葉帶新光浮芥離還聚
漚滅復張浴禽漂落毳亂荇散餘香寄言楚臺客雄風
詎獨涼 梁庾肩吾從駕喜雨詩曰東岳浮樽桂東皇

事浴蘭赦詔還京兆歸神出灌壇溼風含酒氣陰雲助
麥寒典農欣受職治粟喜當官復此隨車雨民知天可
安 梁朱超對雨詩曰當夏苦炎埃習靜對花臺落照
依山盡浮涼帶雨來重雲吐飛電高棟響行雷洒樹輕

花發滴沼細萍開泛沫縈堦草奔流起砌苔 北齊劉

逖對雨有懷詩曰重輪宵犯畢行雨旦浮空細落疑含
霧斜飛覺帶風溼槐仍足綠沾桃更上紅無由似元豹
縱意坐山中 周庾信和趙王喜雨詩曰元霓臨日谷

封蟻對雲臺投壺欲起電倚杖稍驚雷白沙如濕粉蓮
花類洗杯驚鳥灑翼度濕鴈斷行來浮橋七星起高堰
六門開厥田終上上原野自莓莓 又喜雨詩曰離光
初繞電震氣始成雷雲逐魚鱗起渠隨龍骨開崩沙雜

水去卧樹擁槎來嘉苗雙合穎熟稻再含胎 又對雨

詩曰繁雲猶暗嶺積雨未開庭堦含侵角路鑊滿溜疏
萍溼楊生細樵爛草變初螢徒勞看封蟻無事祀靈星

陳陰鏗閒居對雨詩曰四溟飛旦雨三徑絕來遊震

位雷聲發離宮電影浮山雲遙似帶林葉近成舟茅簷

下亂滴石竇引環流寄言一高士如何麥不收 又詩

曰蘋藻降靈祇聰明諒在斯觸石朝雲起從星夜月離
八川奔巨壑萬頃溢澄陂綠野含膏潤青山帶濯枝嘉

禾方合穎秀麥已分歧寄語紛綸學持竿詎必知 陳
張正見賦新題梅林輕雨應教詩曰梅樹耿長虹芳林
散輕雨蜀郡隨仙去陽臺帶雲聚飄花更濯枝潤石還
侵柱詎得零陵燕隨風時共舞 唐太宗詠雨詩曰和
風吹綠野梅雨洒芳田新流添舊澗宿霧足朝煙鴈溼
行無次花沾色更鮮對此欣登歲披襟弄五絃 增明
皇詠雨詩曰罩雲飄遠岫噴雨泛長河低飛昏嶺腹斜
足洒巖阿泣叢珠締葉起溜鏡圓波濛柳添絲密含吹

織空羅 原諸葛穎賦得微雨東來應教詩曰微雨闇

東峰散漫洒長松澗滿新流濁山分積翠濃風起還吹
驚雲來本送龍登年隨玉燭名山定可封 虞世南發

營逢雨應詔詩曰豫遊欣勝地皇澤乃先天油雲陰御
道膏雨潤公田隴麥霑逾翠山光溼更燃稼穡良所重
方復悅豐年 魏知古奉和春日途中喜雨詩曰皇遊
向洛城時雨應天行麗日登巖送陰雲出野迎濯枝林
杏發潤葉渚蒲生絲入綸言喜花依錦字明微臣忝東

觀載筆佇西成

增楊師道中書寓直詠雨簡褚起居

上官學士詩曰雲暗蒼龍闕沈沈殊未開窗臨鳳沼
颼颼雨聲來電影入飛閣風威凌吹臺長簷響奔溜清
簾肅浮埃早荷葉稍沒新篁枝半摧茲晨悵多緒懷友
自難裁况復重城內日暮獨徘徊玉堦良史筆金馬揆
天才高薨通散騎複道駕蓬萊思君贈桃李於此冀瓊
瑰李嶠奉和春日遊苑喜雨應制詩曰仙蹕九重臺
香煙萬壽杯一旬初降雨二月早聞雷葉向朝躋密花

含宿潤開幸承天澤豫無使日光催 李乂春日遊苑

喜雨應制詩曰園樓春正歸入暮弄芳菲密雨迎仙步

低雲拂御衣危花沾易落度鳥溼難飛膏澤登千庾歡

情遍九圍 張說和聖製同劉晃喜雨詩曰青氣含春

雨知從岱嶽來行雲避師出洒雨待車迴厭浥塵清道

空濛柳映臺最宜三五夜晴月九重開 杜甫春夜喜

雨詩曰好雨知時節當春乃發生隨風潛入夜潤物細

無聲野徑雲俱黑江船火獨明曉看紅溼處花重錦官

城 又喜雨詩曰南國旱無雨今朝江出雲入空纔漠
漠洒迥已紛紛巢燕高飛盡林花潤色分晚來聲不絕
應得夜深聞 又過白水明府舅宅喜雨詩曰吾舅政
如此古人誰復過碧山晴又濕白水雨偏多精禱旣不
昧歡娛將謂何湯年旱頗甚今日醉絃歌 張九齡和
崔尚書喜雨詩曰積陽雖有晦經月未為災上念天人
重先祈雲漢迥仁心及草木號令起風雷照爛陰霞上
交紛瑞雨來三辰被黍稷四達屏氛埃池溜因添滿林

芳為洒開聽中聲滴瀝空處影徘徊惠澤成豐歲昌言

發上才無論驗石鼓不是御雲臺直頌皇恩浹宗朝遍

九垓 孟浩然遇雨貽謝南池詩曰田家春事起丁壯

就東陂殷殷雷聲作森森雨足垂海虹晴始見河柳潤

初移予意在耕鑿因君問土宜 王維奉和聖製雨中

春望詩曰渭水自縈秦塞曲黃山舊繞漢宮斜鑿輿迥

出千門柳閣道迴看上苑花雲裏帝城雙鳳闕雨中春

樹萬人家為乘陽氣行時令不是宸遊玩物華 宋朱

子冬雨不止詩曰悤悤時序改白日藏光輝重陰潤九
野小雨紛紛微微蒼山寒氣深高林霜葉稀田家秋成意
落落乖所期曠望獨興懷戚戚愁寒饑事至當復遣且
掩荒園扉 孫覲詠雨詩曰山空發清響樓迥落餘飛
掩冉花頭重渾酣水面肥喧飀沉地鏡飄洒淨垣衣數
點蒼茫裏饑鳥接翅歸 陸游晚雨詩曰蕭瑟渡橫塘
霏微映繚牆壓低塵不動洒急土生香聲入楸梧碎清
分枕簟涼回頭忽陳迹簷角挂斜陽 又久雨詩曰梅

天一日幾陰晴對酒無聊醉不成巧歷莫能知雨點孤

桐那解寫溪聲林深鳥雀來無數草茂鋤耰去即生明

日雲開天萬里御風吾欲過青城元楊載春雨詩曰

濛濛春雨暗重城莽若山林雲氣生駕過東朝霑羽蓋

仗移前殿濕霓旌蒼松密掩巖頭鶴翠柳深藏谷口鶯

明日不愁花爛熳新晴陌上有人行明韓邦靖秋雨

詩曰雨到深秋易作霖蕭蕭難會此時心滴堦響共蛩

鳴切入暮涼隨夜氣侵江濶雁聲來渺渺燈昏官漏聽

沈沈蕭條最是荊州客獨倚高樓一醉吟

原賦魏文帝愁霖賦曰脂余車而秣馬將言旋乎鄴都
玄雲黯其四塞雨濛濛而襲予塗沮洳以沈滯潦淫衍
而橫湍豈在余之憚勞哀行役之艱難仰皇天而太息
悲白日之不暘思若木以照路假龍燭之末光 魏曹

植愁霖賦曰迎朔風而爰邁兮雨微微而逮行悼朝陽
之隱曜兮怨北辰之潛精車結轍以盤桓兮馬躑躅以
悲鳴攀扶桑而仰觀兮假九日於天皇瞻沈雲之泱泱

兮哀吾願之不將 又愁霖賦曰夫何季秋之淫雨兮
既彌日而成霖瞻玄雲之晦晦兮聽長雷之淋淋中宵
夜而歎息起飾帶而撫琴 魏應瑒愁霖賦曰聽屯雷
之恒音兮聞左右之歎聲情慘憤而含歎兮起披衣而
遊庭三辰幽而重關蒼曜隱而無形雲曖曖而周馳雨
濛濛而霧零排房帳而北入振蓋服之霑衣還空牀而
寢息夢白日之餘暉惕中寤而不效兮意悽悵而增悲
晉潘尼苦雨賦曰氣觸石而結蒸兮雲膚合而仰浮

雨紛射而下注兮潦波湧而橫流豈信宿之云多乃踰
月而成霖瞻中塘之浩汗聽長雷之淅淅始濛濛而徐
墜終滂沛而難禁悲列宿之匿景悼太陽之幽沈雲暫
披而驟合雨乍息而亟零旦澁澁以達暮夜淋淋以極
明鼃鼃遊於門闥蛙蝦嬉乎中庭懼二源之并合畏黔
首之為魚處者含瘁於窮巷行者歎息於長衢 晉陸
雲愁霖賦曰在朱明之季月反極陽於重陰興介丘之
膚寸墜崩雲而洪沈谷風扇而悠遠苦雨播而成淫天

決漭以懷慘民，嘖蹙而愁霖。於是天地發揮，陰陽交激。
萬物混而同波，玄黃浩而無質。雷憑虛以振庭，電凌牖
而曜室。雷鼎沸以駿奔，潦風馳而競疾。豈南山之暴濟，
將溟海之暫溢。毒甚雨之未晞，悲夏日之方永。瞻大辰
以積息，仰天衢而引領。晉傅咸患雨賦曰：夫何遠寓
之多懷患，淫雨之有經。自流火以迄今，歷九旬而無寧。
庶太清之垂曜，覩日月之光明。雲乍披而旋合，雷暫輟
而復零。將收雷之要月，棄嘉穀於已成。前渴焉而不降。

後患之而弗晴惟二儀之神化奚水旱之有并湯亢陽
於七載兮堯洪汎乎九齡天道且猶若茲况人事之不
平 又喜雨賦曰伊我皇之仁德兮配燾育於二儀屢
刻躬而勤政兮廣請禱於靈祇孰謂天高其聽不遼孰
謂神遠厥應孔昭潔齊孔虔于茲三朝陰鬱怫而騰起
陽菴夢而自消飛廉扇谷風之翼翼靈嶽興慶雲之飄
飄遂乃重雲四會溟邈無垠方中降雨亘夜迄晨生我
百穀粒我蒸民 晉成公綏陰霖賦曰百川泛濫潢潦

橫流沈竈生鼃中庭運舟 又時雨賦曰兩儀協合二
氣絪縕洪川起波名山興雲 宋傅亮喜雨賦曰惟二
儀之順動數有積而時偏墊襄陵於唐籍蹙雲漢於周
篇匪叔葉之或邁在盛王其固然伊元嘉之初肇載休
明於此年懿玉燭之方熙愠積陽之獨愆涸涼泉於井
谷委嘉穎於中田嗟我皇之翼翼悵臨朝而輟娛踵冲
謙於禹湯協至誠於在余且東作之未晏庶雨露之夙
濡遵縣子之徙屢尤魯侯之焚巫祗桑林之六禱修季

卒之再雩誠在幽其必貫感何遠而不孚聆晨鶴於高
垤候宵畢于天隅發曾雲于觸石晦重陽于八區春霆
殷以遠響興雨霈而載塗洒豐浸於中疇覃餘潤於嘉
蔬殷嗇人於菑畝衍將繁於中衢嗣良頌於多稔兆嘉
夢於維魚 梁張纘秋雨賦曰霖霖興乎爽節膚寸起
於層岑乃娛情而悅體猶冬陽與夏陰塞南帷以寓目
敞北戶而披襟商律戒於茲辰涼雨感而已作甘泉集
而溟溟油雲興而漠漠溫飈革於早暮炎涼改於今昨

乍斜檐而上階或從風而洒幕周小庭而密下
泣高枝而疎落淥池泛澹負波儵爍低昂弱篠
蕨蕤叢薄增唐明皇喜雨賦曰仰重華之齊政
步文命之彞倫何天道之云遠亦明徵之在人
迄中夏而自春遘憊陽而為亢雲重結而復解
雨纔滴而還障山祠植珪而不答田畯倚耒
而惆悵京兆來奏音官撰曲將土龍而矯首請
神巫而頓足彼有憑而可舉子何抑而未許恐
歲凶之及人寧天譴於我身乃潔齋壇墀五精
是祠暴立炎赫

三日為期上帝臨我衷誠不欺重泉蒸潤觸石吐滋平
雲黯而鋪幕密雨森其散絲無雷無電不震不眩匪疾
匪徐乍合乍疎泛草泊樹垂珠點露過闕入樓含煙雜
霧或噴薄而攢聚或淋漓而灌注亂積水之圓文拂微
風之斜度寰海浹而安樂畎畝欣而相顧 張說奉和

聖製喜雨賦曰愚臣啟先王之冊府校絕瑞於祥經樂
雲雨之平施齊品物之流形帝王爭重而為寶麟鳳自
輕而讓靈况愆時之渴望歟意達而神聽是月也朱明

漸半紫油未吐恐降災兮此下人罄虔祈兮我仁主退

象龍之禮禱斤持鷺之貌舞屏翳慙其廢職祝融悔其
遷怒山決漭而出雲天霧電而下雨速一言而感應尅
三日而周溥氣滃靄以黦黹聲颯灑以蕭條灌如雲漢
之屑落散似珠泉之歎澆街廛漫其潢潦臯壤萋其綠
苗舒四溟之清潤卷六合之喧囂咸澡骨於神液共歡
心於聖朝 韓休奉和聖製喜雨賦曰聖人調玉燭握
金鏡乘正陽而馭六氣之辨考中星而授四時之命所

以平三階而齊七政惟十有六祀日躔于南紀火德方
盛炎熏自始主上問飛候之或失徵驕陽之所起未明
求衣當食昃晷恐六事之害政引萬方而罪已乃設禋
燎奠椒醑宣史巫之紛若惟誠德之是與稽圓穹以誓
期樂形影以增佇善言既發靈應無越天垂貫斗之雲
神召離星之月有滄淒淒南山朝濟林鳴陰鳥澗隱晴
霓九光之霞冠于雲日五色之氣映於巖谿始攢團而
未下終颯洒而俱齊合散縈直紛飛驟息肇自千畝周

於八極及乎公田我私長我黍稷我箱既萬我庾惟億
人咸謂之神功爾孰知夫帝力 徐安貞奉和聖製喜
雨賦曰惟大君之執象襲先帝之重玄體至精而御物
用明德而動天自乘春分當暑洎三時而不雨何陰陽
而併隔瞻雲漢以延佇而雍州之積高乃神明之舊府
君告有司無作淫祠圖應龍兮何召望愚婦兮何期禦
憊伏之六沴唯蕩蕩之上帝信天道之悠哉固人事之
所制爾其園壇方壇環以禁林拂瑤席兮列神座藉白

茅兮推聖心却華蓋而特立當赫曦之正臨幽應如響
明徵在今油然作雲鬱山川之氣淒兮為雨變天地之
陰乘空離合煙霏霧雜散影微微清神不稀無雷電之
相迫但蕭條而自飛迴颯灑於天聽襲清凉於御衣如
泰嶽之朝下似陽臺之暮歸林籞增飾城池共色八水
青田千門紫極洗原隰于龍鱗拂薨標于鳳翼伊萬物
之同潤况油油之黍稷匝寰海而為期指咸霖而一息
賈登奉和聖製喜雨賦曰聖人在位體天法地示人

以五行應天以五事修其貌也時雨若正其言也時暘
至彼氣象之或乖將反身而可致皇哉吾君玄德敷聞
御極而三才交正乘時而四序平分十有六年以至今
載旬有一雨不愆乎晦所謂玄化之功行於太平之代
粵在春餘而乘夏初或土官以位或火正其居土勝於
水午衝於子陽景且曜陰風莫起當天數之適然非歲
行之常紀惟帝念茲聞諸有司或獻舞雩之請或陳齋
社之期省而不錄云奪農時王言既出聖心惟一天昭

厥誠神降之吉需然為雨不俟終日當是時也收其威
而雷不敢作隱其耀而電不能爍昭其令而風不憤憤
布其和而氣不交錯徒以玄默為貞清明惟神簡服用
興德仁如此者上獨感其雲行下獨成其雨施六合雖
廣一朝畢被其始至也歷亂希微霧雜煙霏其少進也
湛覃凌厲泉飛颺逝驚碎滴於瑤池噴懸流於錦砌傳
聲竹樹之末濯色菱荷之際乘日用而此多仰年豐而
可計李宙奉和聖製喜雨賦曰臣聞禮有旱暵之舞

詩有昭回之詠陛下退史巫之紛若追后土之虔敬以
乾坤而合德何造化之不測當赫曦兮是時與霽霽兮
為期粵三日而將澍未崇朝而已布霏微露立之壇霰
霖風旋之步緬察獄以臨幸嘗禱林而戒懼曷若不言
而順於陰隲曰肅而變其陽數非破塊與鳴條惟滌場
及灑路靈臺是升斯考休徵渾儀已緯更酌元亨爾乃
紫微涼夏彤庭景深初泛灩於太液復蕭條於上林傾
菡萏而花舞散青蔥而葉吟宜刻漏於銀箭雜秋聲於

玉琴龍虎飛騰兮多氣色鶴鶴鳴叫兮有清音況田畯
之至喜奉聖人以為心又沈瑱賀雨賦曰臣聞堯以
欽明文思察洪水而其咨湯以布昭聖武綿鑠石而不
雨彼穹蒼之災沴啟睿君與聖主我明德之馨香終時
康而俗阜大唐以率俾蠻夏莫非王土主上以光宅君
臨粵若稽古其廣運也包二儀以覆載其亭育也想羣
生之父母聖謨洋洋嘉言孔彰惟精惟一無怠無荒百
姓有過引之歸已一物失所納之於隍夫人之所重者

食也政之所先者農也近歲以冬雪不盈春雲少澤綠
疇合瘁朱夏將革無西畢之霽霓有南威之赫奕思轉
災以為祥宜樹美而除譴移正寢撤豐膳釋幽寃索遺
彥達聰明目廣視聽於四方恤獄緩刑開網羅於三面
袞路清太階平君臣咸一邦家輯寧雲布族而霽霽電
驚空而煌熒殷雷震而闐闐飛雨零而冥冥夫其森沈
散漫颯灑淩亂瀝液汪洋周流津漢濯上林之霏靡漲
昆明之瀾汗驟繁響於闕庭浮清風於樓觀元澤優而

霽止晴光炳兮澄渙奔餘潦於迴塘掛晴虹於霄漢阡陌條暢而增綺黍稷芬榮而若換野老熙熙農人相持嘉廩儲之望歲喜甘霖之流滋原盧照鄰秋霖賦曰

覽萬物兮竊獨悲此秋霖風橫天而瑟瑟雲覆海而沈沈居人對之憂不解行客見之思已深若乃千井埋煙百廛涵潦青苔破壁綠萍生道借如尼父去魯圍陳畏匡將饑不爨欲濟無梁長櫛風而沐雨永栖栖以遑遑及夫屈平既放登高一望湛湛江水悠悠千里泣故國

之長楸見玄雲之四起嗟乎子卿北海伏波南川金河
別雁銅柱辭鳶眺窮陰兮斷地看積水兮連天別有東
國儒生西都才客屋滿鉛槧家虛儋石玉為粒兮桂為
薪堂有琴兮室無人抗高情而出俗馳精義以入神論
有能鳴之雁書成已泣之麟覩皇天之淫溢孰能不隅
坐而含嘖若夫繡轂銀鞍金牀玉盤坐卧珠壁左右羅
紈流酒為海積肉為巒覩襄陵與昏墊曾不輟乎此歡
豈知夫堯禹之癰瘡而孔墨之艱難 增李鐸密雨如

散絲賦曰原夫清畢啟陰夕陽向暮散輕霞以成綺矗
玄雲而似布於是霖霖郊野霏微草樹蔽重霄之靄靄
猶委緒風映遠岫之濛濛乍迷縠霧髣髴將久輕盈匪
疎濛濛浣紗之際浸淫濯錦之餘織婦停梭似曳乃輕
之緒舟人罷釣疑牽或躍之魚由是揚素彩降碧虛忘
機別天庭之睨彼拂鬢驚韶髮之皤如徒觀其散影有
經分行無匹始斜足以色麗俄交反而勢密輕沾素服
懷墨子之悲時遙隔布泉誤詩人之怨日皎皎容縈絲

絲體微絕而復尋等蛛網而共挂垂之如墜連雪絮以
輕飛仰之盈目紛如可矚彼時澤之長懸若天經之恒
續 明田藝蘅雨賦曰陳王旣去燭房即月殿命仲宣
揮素練載歌載觴樂而忘倦少焉玉兔漸沒赤烏將升
商羊鼓舞螻蟻封興白馬奉使黑蜨作朋填填雷奮和
和雲蒸大雨旋降海沸川騰廼罷鳴琴弛妙舞上客無
歸清談競吐臨高臺而散心撫虛檻而披覩茫茫霧縠
沈沈煙樹屏翳奔馳玄冥震怒乍逐電而翻盆忽從風

而飄縷遲回凝睇目眩神怡詠如晦于鄭什誦滂沱于
周詩幸我大夫載紬妍辭王粲捧簡口占進之曰臣聞
天澤之名取輔之義習坎之象佐養之事本因意而成
文水下雲而製字沛陰陽之和溥乾坤之施九疇肅而
時來五政得而春至道合天而成甘治入神而咸利弗
迷表重華之精誠無淫識中國之聖瑞其稱名也雜其
寓意也深暴則為凍久則為靈零則徐墜驟則難禁小
曰霖霖晦曰靈靈一旬惟穀十日惟霖濯枝而暑却破

塊而年祲辨色戊申之日多怪符陽之岑炎農效靈於
正制成湯兆異於祝林武伐商而兵洗衛討邢而師淋
虞期昭魏文之信人事感宋景之心若乃赤松翔少女
發石燕飛焦明歇朱鼈波浮三猗河沒無為之君布州
雷神之龍捕越觸石出雲離畢應月綠苔潤滋黃原潦
淖玉溜蛇驚銀湍馬突舟運廣庭衣生魏闕淹泰嶽而
潛淵浮鄧林而濟筏于是居者悅行者憂幽人喜思婦
愁王孫未返浪子長遊遠空漠漠曠野悠悠重陰易夜

涼思先秋寒聲伏枕冥色登樓君淒淒而向楚妾黯黯
而居周騎泥濘而駕阻羽霑濡而信修離情難霽別淚
橫流歎高垤之鳴鶴盼晴檐之喚鳩亦有壯士遐征淋
漓絕域漢草正青胡沙猶黑竈溼產鼃營卑為蜮東山
之師未班蝸角之爭何息至如良苗就槁大旱雲霓饑
彼南畝春水一犁蛟得池中豹養山下密自西郊出溉
傳野未若祥飈拂慶澤濡三農足萬國娛開芳宴振俚
飲浪浪金石瑟瑟笙竽雅音泝響逸韻同趨和花墮砌

共葉辭株入竹注戟洒荷跳珠淪波湧泡暈漪點臚映
朝霞之危岫渺暮靄之平蕪驂油壁於峻坂解錦障於
潢汙或如晉而將飲况望湯之來蘇君王聞之樂不可
告選姬姜薦醴醑簇璫筵獻佩玉上壽未修滌翰相屬
庶卒通昔之歡乃歌聽澍之曲曲曰朝復暮兮陽臺望
美人兮不來厭厭飲兮燭滅懷抱冷兮誰開又歌暮霽
之曲曰塵心洗兮淒清醉耳寂兮無聲風為御兮雲為
輶美人來兮難為情歌既闌站已反庭燎輝油幕卷佳

期可還行樂何晚雪徒夸兮兔園月空夢兮桂苑領大
王之雄風願有斐而不諼



御定淵鑑類函卷七

謹案卷六第十六頁前八行湖人謂之舶趨風刊

本湖訛潮據東坡集改

第十九頁後三行飄飄散芳甸刊本甸訛勢據文
選改

第二十一頁後三行銅鳥一轉翅刊本銅訛桐按
述征記長安宮南靈臺上有相風銅鳥遇千里
風乃動今據改

卷七第二頁後一行二行不崇朝而遍雨乎天下

者唯太山爾刊本雨乎二字誤作一于字爾字
誤作雲雨二字據公羊傳改



總校官庶吉士臣張能照

校對官編修臣裴謙

謄錄監生臣范栩

欽定四庫全書薈要

子部

御定淵鑑類函卷八

九

詳校官兵部主事臣雷純

欽定四庫全書薈要卷一萬一千四百五十六

子部

御定淵鑑類函卷八

天部八 雷 霹靂 電

雷一 霹靂附



釋名曰雷者如轉物有所碾音郎雷之餘聲也 原說

文曰雷霆餘聲鈴鈴所以挺出萬物也 增易曰雲雷

屯君子以經綸 又曰雷雨之動滿盈 又曰震來虩

虩震驚百里 原又曰鼓之以雷霆 增又曰雷以動

之 又曰雷風不相悖 原又曰動萬物者莫疾乎雷

又曰雷風相薄 詩曰殷其雷在南山之陽 又曰

虺虺其雷 禮記曰仲春之月日夜分雷乃發聲仲秋

之月雷乃收聲 增又曰先三日奮鐸以令兆民曰雷

將發聲其有不戒容止者生子不備必有災殃 又曰

君子若有疾風迅雷甚雨則必變雖夜必興衣服冠而

坐謂敬天之怒也 原左傳曰藏冰以時則雷出不震

棄冰不用則雷不發而震 穀梁傳曰陰陽相薄感而

為雷激而為霆 增爾雅曰疾雷為霆郭璞注曰疾雷

謂雷音急激者 原焦贛易林曰白日揚光雷車避藏

雲雨不下各自正鄉 尚書洪範五行傳曰雷於天地

為長子

易曰震為雷又曰震為長子

以其首長萬物為出入也雷二

月出地百八十日雷出則萬物出八月入地百八十日

雷入則萬物入入則除害出則興利人君之象也 增

又曰凡大風雷雪為不敬也 又曰春後十日雷乃發

聲 原大戴禮夏小正曰正月雉震响响鼓其翼也正

月必雷雷不正聞唯雉先聞之 增春秋元命苞曰陰

陽合為雷 原論語識曰雷震百里聲相附近宋均注

曰雷動百里故因以制國也雷聲謂諸侯之政教所至
相附近也 河圖帝紀通曰雷天地之鼓也 增國語

曰陰陽分布震雷出滯 曾子曰陰陽之氣拘則雷

莊子曰疾雷破山 又曰陰陽交爭為雷 原淮南子

曰叢輕折軸衆呼成雷 增又曰疾雷不及掩耳 又

曰陰不祥之木為雷霆所撲 又曰雷電之聲可以鐘

鼓寫也

原鴟冠子曰夫耳之主聰目之主明一葉蔽

目不見泰山兩豆塞耳不聞雷霆 增孫子曰急電無

流光疾雷無餘聲

柳子曰春夏之有雷霆也或發而

振破巨石裂大木而殘之草木豈有非常之罪哉彼豈

有懲於物也

原論衡曰圖畫之工圖雷之狀𩇛𩇛如

連鼓形又圖一人若力士謂之雷公使之左手引連鼓

右手椎之世人莫不謂然原之虛妄之象 又曰雷霆

迅疾擊折樹木壞敗屋室時犯殺人俗以為天取龍其

犯殺人謂之有陰過 增又曰雷者太陽之激氣也正

月陽動故正月始雷五月陽盛故五月雷迅秋冬陽衰

故秋冬雷潛盛夏之時太陽用事陰氣乘之陰陽分爭

則相校軫校軫則激射激射為毒中人輒死中木木折

中屋屋壞人在木下屋間偶中而死矣 又曰千里不

同風百里不共雷 又曰雷入地則孕毓根莖保藏蟄

蟲避盛陰之害出地則養長華實發揚隱伏宣盛陽之

德 原物理論曰積風成雷 增西京雜記曰太平之

世雷不驚人號令啟發而已 原初學記曰易曰雷出
地奮豫雷者所以開發萌芽辟除災害萬物須雷而解
資雨而潤故經曰雷以動之雨以潤之王者從春令則
雷應節否則發動於冬當出反潛易傳曰當雷不雷陽
德弱也雷聲曰雷公 增酈炎對事云或曰雷震驚百
里何以知之炎曰以其數知之夫陽動為九其數三十
六陰靜為八其數三十二一陽動二陰從故曰百里
東方朔神異記曰八方之荒有石鼓其徑千里撞之其

音即雷也天以此為喜怒之威 原山海經曰踰次之

山有鳧名素鵲服其毛羽令人不畏雷也

鵲音肥

又曰

飛魚如豚赤文無羽食之辟兵不畏雷也 孟輿北征

記曰凌雲臺東南角一百步有白石室名為避雷臺

增又曰臨賀有石方二丈有磨刀斧跡春夏常明淨其

跡甚新秋冬則苔穢故為雷公磨石 原雜兵書曰雷

電霹靂破軍中樹木屋舍急徙去吉也雷電風所從來

不可逆而擅伐宜慎之 增酉陽雜俎曰興州一處名

雷穴每雷聲水塞穴流魚隨出百姓每候雷聲繞樹網
魚無限 雜錄云雷人陰冥雲霧之夕呼為雷耕曉視
田中必有開墾之迹有是乃為嘉祥

霹靂增釋名曰霹靂析也震戰也所擊輒破若攻戰也
說文曰震霹靂振物也 春秋繁露曰王言下不從

則金不從革而秋多霹靂霹靂者金氣其音商故應霹
靂 五經通義曰震與霆皆霹靂也 莊子曰陰陽錯

行天地大賊於是 有雷有霆 正論曰俚語云州縣符

如霹靂得詔書但挂壁

雷二

增春秋合誠圖曰軒轅星主雷雨之神 河圖帝紀通

曰黃帝以雷精起 二儀實錄曰禹會塗山之夕大風

雷震有甲步卒千餘人其不披甲者以紅綃帕抹其額

自此遂為軍儀之服 穆天子傳曰吉日辛酉天子升

崑崙之丘以觀黃帝之宮而封豐隆之葬以詔後世郭

璞云豐隆筮師御雲得大壯卦遂為雷師淮南子曰季

春三月豐隆乃出以將其雨 原尚書中候曰維天降

紀秦穆公出狩至於咸陵天震大雷下有火化為白雀

銜綠丹書集于公車 增又曰劉媪嘗息大澤之陂夢

與神遇時雷電冥晦

詳符命

原又曰蔡順母平生畏雷

自亡後每有雷順輒環塚泣曰順在此 華陽國志曰

曹公從容謂先主曰天下英雄唯使君與操本初之徒

不足數也先主方食失匕箸會雷大震先主曰聖人言

迅雷風烈必變一震之威乃可致此公亦悔失言 晉

陽秋曰王褒母性畏雷及母死每雷震輒就墓側啟曰

褒在此褒在此 增載記曰劉曜年八歲從元海獵于

西山遇雨止樹下雷震樹旁人莫不顛仆曜神色自若

元海異之曰此吾家千里駒也 原盛弘之荆川記曰

湖陽縣春秋蓼國樊重之邑也重母畏雷為石室避之

悉以文石為階砌今猶存 續搜神記曰義興人姓周

永和中出都日暮道邊有一新草小屋有一女出門望

見周曰日已暮周求寄宿向一更中聞外有小兒呼阿

香官喚汝推雷車女子乃辭去明朝視宿處乃見一新
塚增酉陽雜俎曰柳公權嘗見親故說元和末止建
州山寺中夜半覺門外喧鬧潛於窓櫺中觀之見數人
運斤造雷車如圖畫者原王歆孝子傳曰竺彌字道
綸父生時畏雷每至天陰輒至墓伏墳悲哭有白兔在
其左右增酉陽雜俎曰明皇召山人包超令致雷聲
超對曰來日及午有雷遂令高力士監之一夕醮式作
法及明天無纖翳力士懼之超曰將軍視南山當有黑

氣如盤矣有頃黑氣瀰漫疾雷數聲大作 客談曰范

文正公守饒有書生上謁自言平生未嘗飽時咸稱歐陽率更字薦福寺碑墨本值千金文正欲為打十本使售於京師紙墨已具一夕雷擊其碑時人語曰有客打碑來薦福無人騎鶴上揚州又曰運去雷轟薦福碑

說寶曰宋黃仲冕未第時常有魁天下之志元豐四年南劔州譙門一柱忽為迅雷所擊仲冕聞之口占成四句云風雷昨夜破枯株借問天公有意無莫是卧龍踪

跡困放開頭角入雲衢次年對策為天下第一果符所
兆 稽神錄曰江西邨中有人震死既而空中呼曰誤
矣可將蚯蚓爛擣覆臍中當差如言擣之遂蘇

雷三

霹靂附

原發天 出地

漢書曰迅雷風妖怪雲變氣此皆陰陽之精本在地而上發于天 下詳雷一

石室 金門

上詳雷一 師曠占曰初雷從金門起上田旱下田熟一日歲中兵革起

推車

引鼓

上詳雷二 下詳雷一

雉雉

蟄驚

尚書洪範五行傳曰正月雷微

動而雉雉雷諸侯之象也雉亦人君之類也李顥賦曰乘雲氣之翳鬱兮舒電光之炯晃驚蟄蟲于始作兮

懼遠邇之異象

出豫

作解

上詳出地注雷雨作雷雨作而

易曰天地解而百果草木皆

甲折象曰雷雨作解君子以赦過宥罪王弼注曰解者解也屯難槃結於是乎解之

入室挽

車

司馬相如大人賦云徑入雷室之砰磷注云雷室雷淵也傳玄詩童男挽雷車

納麓

動天

尚書云烈風雷雨弗迷下見顧凱之雷電賦

虎銜

人夢

世語云曹真夢二虎

銜雷公雷公若二升枕放著庭中爽惡之以問占者靈臺丞馬訓曰憂兵訓退告其妻曰爽將以兵亡不出旬

日夢書云人夢雷霆為驚恐

增虎鳴

龍出

河圖曰玉虎晨鳴注云雷聲也九國志

云吳柴再用為光州一日雷大震家人皆伏匿再用不動俄見有襦袴四人昇再用出庭中復大震屋折有龍

出

書柱

輶碑

國史補云宋祥符中岳州玉真觀為天火所焚惟留一柱有謝仙火三字

倒書而刻之慶厯中有以此字問何仙姑者輒曰謝仙者雷部中鬼也夫婦皆長三尺其色如玉掌行火于世間後有聞其說者於道藏中檢之實有謝仙字由是益以仙姑為真仙矣

下詳雷二

收麥

取書

酉陽雜俎云李鄘在北都介休縣百姓送解牒止宿於晉祠夜半聞有人扣門云介休王暫借霹靂

車某日至介休縣收麥祠內即應良久數人共持一物如幢環綴旛旗凡十八葉有光如電以授之至日介休

大雷雨果損麥千餘頃

異人記云唐上元中天台道士王遠知善易知人死生禍福作易總十五卷一日雷

雨雲霧中有一老人叱遠知曰所泄禁書何在上帝命

吾攝六丁追取遠知據地傍有六人青衣已捧書立矣

老人責曰上方禁文自有飛天保衡金科祕藏玄

都何能輒藏箱帙遠知曰青丘老人所傳授也

原

擊齊臺

震漢寢

淮南子曰庶女叫天而雷電下擊景公臺墮支體傷折海水大出注云庶

賤之女齊之少寡婦無子不嫁事姑敬謹姑女利母財
今嫁婦婦終不肯女殺母以誣寡婦不能自明冤結叫
天天為作雷電下擊景
公之臺 下詳雷二 增出嬰兒 擊男子 投荒雜

陳氏因雷雨晝冥庭中得大卵覆之數月卵破有嬰兒
出焉自後日有雷扣擊戶庭入其室中就于兒所若乳
哺者歲餘兒能食乃不復至遂以為已子牙門將陳義
即卵中兒也 南燼錄曰章惇徽宗時貶雷州司戶卒
後欽宗北狩至檀州雷擊民間
一男子背上朱書賊臣章惇 發聲收聲 出地入

地俱詳
雷一

霹靂原輸礮

折肱

元中記云玉門之西有一國國中
有山山上有祠廟國人歲歲出石

礮數千枚輸廟中名為霹靂礮從春雷出礮日減至秋
而盡 搜神記云扶風楊道和夏於田中獲天雷雨止

桑樹下霹靂擊之道和以鋤格折左肱遂落地唇如
丹目如鏡毛如牛角長三尺餘狀如六畜頭似獼猴
作引 讀書 琴操云楚膏梁子出遊九臯之澤臨曲池
玄鶴翔其前白虎吟其後乃援琴而起作霹靂引世
說云夏侯玄嘗倚柱讀書時暴雨霹靂破所倚柱衣服
焦然玄神色無
變讀書如故

雷四

霹靂附

增洊雷

易曰洊雷奮雷見

原震曜

為刑罰威獄以類天之震曜殺戮

感生

論語說云子路感雷精而生尚剛好勇

隨擊

韓詩外傳云海上有勇士曰菑丘訢以勇

聞于天下過神淵飲馬馬沈訢去朝服拔劍而入三日三夜殺三蛟一龍而出雷公隨而擊之眇其左目

闐闐

楚辭云雷闐闐兮

隱隱

詳下車音注

增天權

楚辭云雷者天之權

天

聲

藝文志云如天之聲言其大也

鬱律

又云雷小聲也雷鬱律于巖窾

震氣

又云震氣始東

震

起龍

韓偓詩云閒人倚柱笑雷公又向深山劈卧怪松必若有蘇天下志何如驚起武侯龍卧

龍

朱喬年詩云陌上冬乾泣老農天留甘雨付春工阿香急試雷霆手莫放人間有卧龍

神斧

李晦庵

詩云誰將神斧破頑陰地裂山開鬼

神雷

蘇軾詩云

失林我

顧君王法天造早知雄斷答羣心

已外浮

名更外身區區雷電若為神山頭只作嬰兒看無限人間夫著人

原寫鐘鼓

詳雷一

象車音

司馬相如長門賦云浮雲鬱而四塞兮天窈窳而晝陰雷隱隱而響起兮聲象君之車音

增震齋棟

南齊書曰齊永明十一年三月震於東齋棟崩左右密欲治繕竟陵王子良曰此豈可治

留之志吾過且擊大航南史曰顧協為通事舍人大通
旌天之愛我也擊大航三年雷擊大航華表然盡建康
縣馳啟協以為非吉祥未即呈聞後帝知之曰雷之所
擊一本罰惡龍二彰朕之有過協掩惡揚善非曰忠公
由是見免原結蒸成雷李顯雷賦拒難折衝五星占云雷電
拒難折衝五星占云雷電拒

難折衝之臣也君承用節度則動威彰德天動威以
雷以節暴人威福則雷電殺人彰周公之

德增銀鉛鎔流夢溪筆談云李舜舉家為雷所震火
從窓出銀鉛器皿悉鎔流在地室尚

嚴人馬辟易宋淳熙間禱雨太乙宮乘輿未破元祐
然駕雷自內發人馬辟易相踐

碑客談云宣和殿立元祐奸黨破高祺石晉元康七年
碑一夕大風雨為震雷擊碎破城南高

石祺原觀出地之象聽殷天之聲

霹靂原急雷

公羊傳云震霆也謂急雷為霹靂注云雷疾而甚者為震震與霆皆謂之霹靂疾

雷

爾雅云疾雷謂之霆郭璞注云疾雷謂雷音急激者謂之霹靂

擊棗樹

幼童傳云潁川庾天

祐三歲兒在北窓下戲霹靂

震栢木

晉書曰王丞相令郭璞作卦云公有震厄

可命駕西出數十里得一栢樹截短如公長置常寢處災當可立消王從其言數日果震栢樹

震太

廟柱

晉中興書云安帝義熙三年六月霹靂震太廟鵠尾徹壁柱若有文字

震夷伯廟

左傳

云震夷伯之廟罪之也

服草不畏

山海經云半石之山有草焉生而秀

於是展氏有隱慝焉

高大赤葉赤花名曰嘉榮服之

震枕不驚

異苑云滕放枕文石枕卧

不畏霆注云不畏霹靂是也

忽雷震其枕枕

諸葛自若

曹嘉之晉紀云諸葛誕以氣邁稱嘗倚柱作書霹靂

四解放都不驚

震其柱誕書自若
夏侯如故詳上

雷五 霹靂附

原詩晉傅玄雜言詩曰雷隱隱感妾心傾耳清聽非車音
又曰童女掣電策童男挽雷車 又驚雷歌曰驚

雷奮兮震萬里威靈宇宙動四海六合不維兮誰能理
增唐杜甫雷詩曰巫峽中宵動滄江十月雷龍蛇不成蟄
天地劃爭迴却碾空山過深蟠絕壁來何須妬雲雨
霹靂楚王臺 白居易聞雷詩曰瘴地風霜早溫天

氣候催窮冬不見雪正月已聞雷震蟄蟲蛇出驚枯草

木開空餘客方寸依舊似寒灰 宋唐庚冬雷行詩曰

百蟲蟄處安如家阿香夜起推雷車一時技癢不忍爬

撼動尺蠖掀龍蛇龍蛇尺蠖踞已久亦欲奮迅舒頑麻

夢中一震忽驚躍發破墻戶排泥沙泥沙已出雷遽止

錯愕欲去難藏遮蟲蛇狼狽莫知數間有伏龍吁可嗟

元方夔立冬前後大雷電詩曰雲如車礮低壓城紅

光閃電枉矢行老龍偷出牛蹠泓霹靂數聲驚宵冥雨

下如注翻四溟黑風吹落魚鮪腥蚯蚓奮角蛇怒鱗穴
居林處無潛形小臣飛牋奏天庭速收阿香加誅刑夜
闌景霽百怪停炯炯北極環衆星

原賦晉夏侯湛雷賦曰伊朱明之季節兮暑燠赫以盛
興扶桑煒以揚燎兮雷火曄以南升大明黯其潛曜兮
天地鬱以同蒸掣丹霆之皓琰兮奮迅雷之崇崇馳壯
音於天上兮激駭響於地中徒觀其霰電之所種鑿火
石之所燒鑠雲雨之所澆沃流潦之所淹濯當衝則擢

破遇披則纖溺山林為之崩盪羣生為之震辟是以大
聖變於烈風小雅肅於天高嗟乾坤之神祇兮信靈化
之誕昭故先王之制刑擬雷霆於征伐恢文德以經化
兮耀武義以崇烈苟不合於大象兮焉濟道以成哲

晉李顯雷賦曰伊青陽之肇化兮陶萬殊於天壤結鬱
蒸以成雷兮鼓訇稜之逸響應萬風以相薄包羣動而
為長乘雲氣之鬱蓊兮舒電光之炯晃驚蟄蟲之始作
兮懼遠邇之異象爾其發也則騰躍噴薄砰磕隱天起

偉霆於霄際催勁木於巖巔驅宏威之迅烈若崩岳之
寘寘斯實陽臺之變化固大壯之宗源也若乃駭氣奔
激震響交搏瀆淪隱鱗崩騰磊落來無轍跡去無阡陌
君子恐懼而修省聖人因象以制作審其體勢觀其曲
折輕如伐鼓轟若走轍喋猶地傾繡似天裂比五音而
無當校衆響而稱傑於是上穆下明順天承法戒刑獄
以致亨孰非善而可攝正震體於東方立不易之恒業
豫行師而景奮解宥過而人協 晉顧凱之雷電賦曰

太極紛綸元氣澄練陰陽相薄為雷為電是以宣尼敬
威忽變夫其聲無定響光不恒照砰訇輪轉倏閃羅曜
若乃太陰下淪少陽初升蟄蟲將啟動靈先應殷殷徐
振不激不憑豈隱隱之虛應乃違和而傷生昭王度之
失節見二儀之幽情至乃辰開日明太清無靄靈眼揚
積以瞿煥壯鼓崩天而砰磕陵堆訇隱以待傾方地業
粵其若敗蒼生非悟而喪魂龍鬼失據以顛沛光驚於
泉底聲動於天外及其灑北斗以誕聖震昆陽以伐違

降投鹿以命桀島雙瀆而橫尸倒驚檜於霄際摧騰龍
於雲湄烈天地以繞映帷六合以動威在虛德而卷舒
謝神豔之難追 增唐張仲甫雷賦曰粵若稽古太始
之初陰陽和而為炭天地張而為爐鎔鑄品類淘汰清
虛名之四海謂之八區陰陽相盪感成雷乎號曰天地
之鼓事載河圖之書藏冰以時則響出而不震仲秋之
月必聲隱而無餘或震怒百里雨潤同沾法威形於牧
宰察醜惡於毫纖或殷鑠而鼓作或滅沒而韜潛吼若

天開闢如地裂動靜必以其時喜怒于焉有節是以樊
重入室王褒遶墓終不苟於瑕疵冀中平於朗晤惡不
戒而潛至善乃全而焉措無貴無賤敬天之怒五星不
逆六氣合度發陽和啟蟄戶農事興作秋成斯覩以日
繫時有倫有序歛焉而來倏焉而去鼓踴莫測其蹤安
息莫知其所搜獲山川洗滌寰宇爾其為狀也則乃連
鼓鼙力士雄雄雲飛電耀起自震宮其為聲也磊磊
落落砰砰訇訇龍潛魚躍海湧山傾星宿為之霾翳日

月為之昏暝夫其絕赫震耀紛紜煽作臨峻崖投深壑
終不騁於雄豪將勸善而懲惡布雲雨於潛龍銜丹書
於白雀若乃王網如繩籠羅有情是謂小人無禮君子
無刑守容貌而無恒豈耳目之不明終冀貞廉於衆口
法令未若於雷霆 樊珣春雷賦曰惟聖作又先天授
人惟天輔德啟聖無親故我皇齊七政協三辰化乎大
麓道暢經綸是以慶集天寶祥開地珍法威刑於震耀
効生植於陽春鴻名既增睿歷伊始當渙汗之初發聽

春雷之肇起將克宣陽罔忒時紀導達萬萌震驚百里
南山望遠乘雨氣而方來長門聽深象車聲而未已若
降在下如飛在天鬱重電而虺虺殷高棟以闐闐作解
羣物揚靈上玄啟春和於蟄戶兆農慶于豐年若乃勢
猛凌空聲雄出地刑未遷而必肅政不戒而潛至渾渾
其象含四氣於一朝號號其威警千官於庶位及夫蒼
蔚云卷煙埃稍廓餘雲既稀厲響不作攄殘怒於平野
轉輕音於峻閣來雖莫制必先戒而後臻去則何言知

勸善而懲惡是故知聖人御氣立極居貞體元災攘不
令祉降攸繁豈與夫震廟為凶方知展氏之慝電災莫
禦乃訊申豐之言則有挹影窮居在陰向隅雖倚楹而
有得終棄室以思濡進道則望深知已觀光而業謝冥
符感雲雷之布澤思自達於通衢

霹靂增詩唐辛德源霹靂引曰出地聲初奮乘乾威更
作雲銜天笑明雨帶星精落碎枕神無撓震楹書自若
側聞吟白虎遠觀飛玄鶴

增賦唐張鼎霹靂賦曰殷其雷在南山之隈黑蜨翔雲
暗天起黃雀驚風動地來波翻濤而海水激樹拔根而
山石摧於是陰陽交戰晦明相賊或擊或馳乍通乍塞
望騰蛇之上下見飛龍之南北電光開而山澤紅雨氣
合而原野黑威聲奮擊於霄漢逸響振動于都國而乃
隱軫徘徊謂高天壓而泰山頽鼓怒發洩謂厚地震而
梁木折聲之所射者向無不碎氣之所奔者中無不絕
值石則片片冰開當樹則重重瓦裂其為始也則赫赫

奕奕若烈風猛火之燎崑崙其為終也砰砰轟轟若決
水轉石之潰龍門擬戰鼓則三軍亂擊方戎車則百兩
齊奔川岳為之搖蕩天地為之晝昏豈直聞之者掩耳
而奪氣見之者瞑目而埋魂若斯而已哉觀其涕鬱氣
氤騰波磊落輝光之所倏閃聲氣之所噴薄豈在微而
應必有感而作擊齊堂也識孝婦之懷冤震魯廟也哂
佞臣之隱惡故導風伯從雨師以豐隆為號令以列缺
為鞭笞洪厓飛霆以瀝液奔源走沫以流漿迫鯨鯢使

蹭蹬但蛟螭使躩踞鼃鼃喪明於竈穴鱸鮪失路於庭
墀

電一

增釋名曰電殄也乍見則殄滅也 說文曰電陰陽激

耀也從雨從申 又曰字指曰儵爚電光也 易曰雷

電皆至豐君子以折獄致刑 原又曰離為電 又曰

雷電噬嗑 禮記月令曰仲春始電 公羊傳注曰電

謂之雷光也 增易稽覽圖曰陰陽和合為電輝輝也

其光長 春秋元命苞曰陰陽激為電 史記天官書

曰電者陰陽之動也 漢書李尋傳曰竊見往者盛冬

電潛龍為孽 原莊子曰陰氣伏于黃泉陽氣上通於

天陰陽分爭故為電 淮南子曰電以為鞭策

電激氣也

增又曰陰陽相薄為雷激揚為電 公孫子曰擊電無

停光 曾子曰陰陽交則電 原山海經曰列缺電名

增楚辭曰凌驚雷駭駭電 原甘泉賦曰電倏閃于

牆藩 增揚雄賦曰霹靂列缺吐火施鞭 又曰奮電

鞭駟雷輜

張衡思立賦曰

凌驚雷之硠礚兮弄狂電

之淫裔

夏侯孝若電賦曰攢雲間而飛火絳煙起於

雲中

傅立詩曰童女掣電

曹毗霖雨詩曰紫電光

牖飛迅雷絡天奔

陸士衡詩曰驚電夜舒光

李顥

詩曰黕霽重雲陰碎校震電砢

韓偓詩曰雷尾燒空

黑雲脚飛銀線

電二

原河圖握拒起曰大電繞樞星照郊野感附寶而生黃

帝詳符命

增公羊傳曰魯隱公元年大雨震電周之三月夏之正月雷常聞於地中電未可見而大雨震電此陽氣之失其節原晉書曰王戎視日不眩目爛爛如巖下電增南唐書曰陸昭符金陵人保大中常州刺史一日坐聽事雷雨暴至電光如金蛇繞案吏卒皆震伏昭符不懾撫案叱之雷電遽散及舉案惟得鐵索重百斤昭符亦不變色徐命舉索納庫中

電三

增照夜

燭天

文選云豐隆軒其震霆兮列缺閃其照夜蘇軾服胡麻賦云長虹流電光燭

天

耀靈畢

閃紅綃

楚辭云恐天時之代序兮耀靈畢而西征靈畢電光貌言速也

輕電閃紅綃

劉禹錫詩云

掣金蛇

飛銀索

東坡詩云電光時掣紫金蛇胡仲論

造化之迹云雷之閃爍激疾如金蛇飛騰之狀何也曰光之發也惟光適映雲際則如是不當雲際而在同雲之中則無此矣古詩云過眼金蛇掣鞭空銀索飛

良將

童女

俱詳電一

電四

原天笑

神異經云東王公與玉女投壺臬而脫誤不接者天為之笑開口流光今電是也

陽

光

月令云二月始電疏云電陽光陽微則光不見此月陽氣漸盛以擊于陰其光是以乃見也

奔

電 走電 飛電 狂電 赤電 增挾電

六帖云司空圖題柳

州集後曰嘗覽韓吏部歌詩累百首其驅駕氣勢若掀雷挾電撐決于天地之垠

天精

淮南子曰

天之精雷電風雨

天怒

唐藝文志吳武陵曰雷砰電射天之怒也不能終朝

搖幟

韓愈

頌云雷車鞭兮電搖幟

紫貝

文選云赤電黑雲謂之紫貝

原激陽為電

河始

開圖 熱氣為電

物理論云熱氣散而為電

陰陽激耀

說苑云電陰陽激耀

陰陽相薄

見顧凱之雷電賦

宣光示曜

西京雜記云太平之世電不眩目宣示光

曜而

夢憂縣官

夢書云夢電光憂縣官也

御定淵鑑類函卷八